

III. OUTRAS DISPOSICIÓNS**CONSELLERÍA DE EMPREGO, COMERCIO E EMIGRACIÓN**

RESOLUCIÓN do 16 de xaneiro de 2026, da Secretaría Xeral da Emigración, pola que se regulan e se convocan as subvencións do programa de axudas económicas individuais para persoas residentes no exterior para o ano 2026 (código de procedemento PR925A).

Segundo o establecido no artigo 49 do Decreto 147/2024, do 20 de maio, polo que se establece a estrutura orgánica da Consellería de Emprego, Comercio e Emigración (DOG núm. 101, do 27 de maio), a Secretaría Xeral da Emigración é o órgano superior da Administración xeral da Comunidade Autónoma de Galicia ao cal lle corresponden as competencias en materia de emigración e retorno e, en particular, as recollidas na Lei 7/2013, do 13 de xuño, da galeguidade, e as relacións e o apoio ás persoas e ás comunidades galegas no exterior, así como o fomento e a promoción da súa actividade e funcionamento.

Así mesmo, a disposición adicional primeira do dito decreto desconcentra na persoa titular da Secretaría Xeral da Emigración a competencia para a aprobación das bases, a convocatoria e a resolución das axudas e subvencións do seu respectivo ámbito de competencia.

A Xunta de Galicia, en materia de emigración, establece como unha das súas áreas de actuación prioritaria a asistencia socio-sanitaria digna para todas as persoas galegas residentes no exterior, mediante, entre outros, o programa de axudas económicas individuais. Este programa ten como obxectivo contribuír a paliar a carencia de medios económicos para poder afrontar as necesidades básicas de subsistencia e atención socio-sanitaria.

O Estatuto da cidadanía española no exterior, aprobado mediante a Lei 40/2006, do 14 de decembro, que se configura como o marco xurídico que lles garante ás persoas residentes no exterior o exercicio dos seus dereitos e deberes constitucionais, establece no seu artigo 5 a asistencia e protección, por parte da Administración xeral do Estado e das comunidades autónomas, no marco das súas respectivas competencias, daquelas persoas residentes no exterior que se encontren en situación de necesidade.

A Xunta de Galicia, a través da Secretaría Xeral da Emigración, pretende, nunha actuación coordinada co Estado español, consolidar unha política de atención e protección ás



persoas galegas residentes no exterior que se encontren en situación de necesidade, coa finalidade de garantirlles o exercicio dos seus dereitos e deberes constitucionais e estatutarios en termos de igualdade coas persoas españolas residentes en Galicia.

En consecuencia, convén realizar unha convocatoria de axudas para atender estas situacións, que se tramitará na modalidade de concorrência non competitiva, prevista no artigo 19.2 da Lei 9/2007, do 13 de xuño, de subvencións de Galicia, e establecer uns requisitos e criterios básicos nos cales se fundamenten as resolucións sobre as peticións que se reciban, de tal forma que garantan a súa obxectividade e non se xeren expectativas que non poidan ser satisfeitas por razón da propia índole da convocatoria, da situación a que se pretende dar cobertura e das propias limitacións dos créditos destinados a ela.

Así mesmo, ao teren estas axudas un carácter marcadamente social e humanitario, ao estaren dirixidas a persoas sen recursos e que se conceden en atención a ter acreditado, previamente á súa concesión, tal situación, cómpre aplicar o disposto no artigo 28.9 da mencionada Lei 9/2007, do 13 de xuño, de subvencións de Galicia, na fase de xustificación, sen prexuízo de poder establecer os controis necesarios para verificar o cumprimento das obrigas e a existencia de tal situación.

En virtude do exposto, no exercicio das competencias atribuídas no Decreto 147/2024, do 20 de maio, e de conformidade co disposto na Lei 9/2007, do 13 de xuño, de subvencións de Galicia; no Decreto 11/2009, do 8 de xaneiro, polo que se aproba o Regulamento da referida Lei 9/2007; nos preceptos básicos da Lei 38/2003, do 17 de novembro, xeral de subvencións; na Lei 1/2016, do 18 de xaneiro, de transparencia e bo goberno; na Lei 39/2015, do 1 de outubro, do procedemento administrativo común das administracións públicas (LPACAP), e na demais normativa de aplicación,

RESOLVO:

Artigo 1. *Obxecto*

1. O obxecto desta resolución é establecer as bases dun programa de axudas económicas individuais e de carácter extraordinario, non periódico e social, para o ano 2026, en réxime de concorrência non competitiva, dirixido ás persoas emigrantes de nacionalidade española e orixe galega, e a determinados familiares, residentes nos países do estranxeiro



en que o Estado español teña fixada unha base de cálculo para a prestación por razón de necesidade no ano anterior ao da convocatoria e que se encontren en situación de precariedade económica. Están destinadas a acadar recursos económicos que contribúan a satisfacer as necesidades básicas de subsistencia e atención socio-sanitaria para as cales non dispoñan de cobertura suficiente.

2. Así mesmo, é obxecto desta resolución convocar as ditas axudas para o ano 2026 (código de procedemento PR925A).

Artigo 2. *Persoas beneficiarias*

Poderán ser beneficiarias destas axudas:

1. As persoas emigrantes nadas en Galicia maiores de idade e residentes nalgún dos países do estranxeiro para os cales o Estado español teña fixada unha base de cálculo para a prestación por razón de necesidade no ano anterior ao da convocatoria.

2. Os/as seus/súas fillos/as maiores de idade (coa excepción prevista para o caso das axudas por violencia de xénero) que teñan a nacionalidade española e se encontren vinculados/as a un concello galego no Padrón de españois residentes no estranxeiro (PERE) antes de finalizar o prazo de presentación de solicitudes.

3. No caso do falecemento das persoas arriba indicadas, poderán ser, por unha vez, persoas beneficiarias as seguintes:

a) O cónxuxe viúvo/a ou parella de feito ou relación análoga de afectividade dunha persoa beneficiaria na última convocatoria deste programa, que falecese nos doce meses anteriores ao último día do prazo para a presentación de solicitudes en 2026, que acredite esas condicións e o cumprimento dos requisitos do artigo 3.1.e) e f), de conformidade co disposto no artigo 9.1.

b) Un membro da unidade familiar dunha persoa solicitante desta axuda que reúna as condicións para ser beneficiaria e faleza despois do último día do prazo de presentación de solicitudes e antes do 30 de xuño de 2026, sempre e cando o solicite por escrito dentro dese período, teña 18 anos feitos e acredite esas condicións e o cumprimento dos requisitos do artigo 3.1.e) e f), de conformidade co disposto no artigo 9.1.



Artigo 3. *Requisitos xerais das persoas solicitantes*

1. Sen prexuízo da necesidade de cumprir e acreditar os requisitos específicos que se indican para cada un dos supostos de axuda nos seguintes artigos, para accederen a estas axudas as persoas solicitantes deben reunir os requisitos xerais que se sinalan a seguir:

a) A condición de persoas beneficiarias de acordo co disposto no artigo 2.

b) Residir nun país do estranxeiro para o cal o Estado español teña fixada unha base de cálculo para a prestación económica por razón de necesidade no ano anterior, cunha antigüidade mínima de tres meses contados desde o último día do prazo de presentación de solicitudes.

c) Carecer de rendas ou ingresos suficientes.

Considerarase que existen rendas ou ingresos insuficientes cando aqueles de que dispoña a persoa solicitante ou se prevea que vai dispoñer en cómputo anual sexan iguais ou inferiores a 1,8 veces a base de cálculo da prestación económica por razón de necesidade establecida polo Estado español para o país de residencia, nas contías que se determinen para o ano desta convocatoria.

Malia o disposto no parágrafo anterior, se a persoa solicitante carece de rendas ou ingresos suficientes segundo o previsto nel, pero convive con outra ou outras persoas nunha mesma unidade económica familiar, a contía anterior virá determinada pola suma do límite máximo de ingresos persoais máis o resultado de multiplicar o 70 % da dita cifra polo número das persoas que convivan menos unha.

Para os efectos do establecido neste punto, consideraranse rendas ou ingresos computables todo tipo de rendas, mesmo as axudas públicas ou privadas, os bens ou dereitos de que dispoña anualmente a persoa beneficiaria ou a unidade económica familiar, derivados tanto do traballo coma do capital, así como calquera outro substitutivo daqueles.

d) Carecer de patrimonio inmovible suficiente.

Considerarase que existe patrimonio inmobiliario suficiente cando o valor patrimonial ou equivalente dos inmovibles, na unidade económica familiar, agás a vivenda habitual, supere en 2,5 veces as contías previstas nese punto en cómputo anual.

CVE-DOG: klffe1z2-bj45-ya37-2u52-fbocgq7klw2



e) Non percibir a prestación por razón de necesidade do Estado español.

f) Carecer de impedimentos para a percepción desta axuda segundo a lexislación de subvencións aplicable en Galicia.

2. Para os efectos desta convocatoria, entenderase como unidade económica familiar integrada pola persoa solicitante e, no seu caso, polo seu cónxuxe, parella de feito ou relación análoga de afectividade, así como polos/as fillos/as e parentes por consanguinidade, afinidade ou adopción ata o terceiro grao, sempre que convivan coa persoa solicitante.

Artigo 4. Axudas para paliar situacións de precariedade socioeconómica na unidade familiar

Poderán solicitar as axudas para este fin as persoas que cumpran, ademais dos requisitos xerais previstos no artigo 3.1, os seguintes:

1. Os residentes nun país iberoamericano co cal o Estado español non teña asinados convenios bilaterais en materia de seguridade social, que teñan 70 anos feitos e acrediten uns ingresos da unidade económica familiar, por calquera concepto, inferiores ao 30 % da contía prevista no artigo 3.1.c).

2. Os residentes nun país iberoamericano co cal o Estado español teña asinados convenios bilaterais en materia de seguridade social, que teñan 50 anos feitos e acrediten a situación de precariedade da unidade económica familiar mediante un informe social conforme ao artigo 9.3.a), coa excepción daqueles que o último día de prazo de presentación das solicitudes teñan unha idade comprendida entre 50 e 64 anos e foran beneficiarios dunha axuda económica individual por precariedade socioeconómica (artigo 4.2) nos dous anos anteriores (2024 e 2025).

Artigo 5. Axudas para paliar situacións de precariedade sanitaria e socio-sanitaria na unidade familiar

Poderán solicitar este tipo de axudas as persoas que o último día do prazo de presentación de solicitudes teñan 18 anos cumpridos e acrediten, segundo o establecido no artigo 9.3.b), que cumpren os requisitos xerais do artigo 3.1, e que ela ou outra persoa da súa unidade familiar ten recoñecida unha situación de discapacidade ou invalidez, ou ben padece algunha enfermidade moi grave ou grave e crónica, que require prestacións terapéuticas para as cales carece dun seguro de saúde que lle proporcione unha cobertura suficiente.



Artigo 6. *Axudas para as mulleres que sufran violencia de xénero*

Poderán solicitar as axudas deste suposto as mulleres maiores de idade ou menores emancipadas que cumpran os requisitos xerais do artigo 3.1 e acrediten sufrir unha situación de violencia de xénero no ano anterior ao da convocatoria segundo o previsto no artigo 9.3.c).

Artigo 7. *Forma e lugar de presentación de solicitudes*

1. As solicitudes presentaranse preferiblemente por vía electrónica a través do formulario normalizado dispoñible na sede electrónica da Xunta de Galicia <https://sede.xunta.gal>

As persoas solicitantes que non posúan certificado electrónico poderán presentar a solicitude e a documentación complementaria na sede das Delegacións da Xunta de Galicia en Bos Aires e Montevideo e das entidades que colaboran na xestión deste procedemento que se indican a seguir:

- No Brasil:
 - Peña Galega da Casa de España de Río de Janeiro.
 - Sociedade Hispano Brasileira de Socorros Mutuos e Instrução en São Paulo.
 - Sociedade de Socorros Mutuos e Beneficente Rosalía de Castro en Santos.
 - Asociación Cultural Hispano-Gallega Caballeros de Santiago en Salvador de Bahía.
- En Cuba:
 - Federación de Sociedades Gallegas de Cuba na Habana.
- En Venezuela:
 - Hermandad Gallega de Venezuela en Caracas.
 - Hermandad Gallega de Valencia.
 - Centro Gallego de Maracaibo.
 - Centro Gallego de Puerto la Cruz.
 - Asociación Fillos de Galicia dos Estados de Aragua e Lara, en Maracay.



A utilización desta vía requirirá que a persoa solicitante autorice a persoa responsable da entidade correspondente segundo o lugar de residencia para que remita a súa solicitude a través da sede electrónica da Xunta de Galicia, e non exime as persoas solicitantes da obriga de cubrir e asinar a solicitude segundo o anexo I.

No caso de utilizar esta vía, é recomendable que as solicitudes se presenten cunha antelación suficiente respecto ao remate do prazo de presentación das solicitudes.

2. Opcionalmente, poderanse presentar as solicitudes de forma presencial en calquera dos lugares e dos rexistros establecidos na normativa reguladora do procedemento administrativo común.

Para a presentación electrónica poderá empregarse calquera dos mecanismos de identificación e sinatura admitidos pola sede electrónica da Xunta de Galicia, incluído o sistema de usuario e clave Chave365 (<https://sede.xunta.gal/chave365>).

3. No caso de que a persoa solicitante estea incapacitada, a solicitude farase ao seu nome e será asinada polo seu representante legal.

Artigo 8. *Prazo de presentación das solicitudes*

O prazo de presentación de solicitudes será de dous meses.

O prazo iniciárase ás 9.00 horas a partir do día seguinte ao da publicación desta resolución no *Diario Oficial de Galicia* e o último día de presentación de solicitudes finalizará ás 20.00 horas.

Se o último día do prazo fora inhábil, entenderase prorrogado ao primeiro día hábil seguinte, e se no mes de vencemento non houbera día equivalente ao inicial do cómputo, entenderase que o prazo expira o último día do mes.

Malia o anterior, e de conformidade co establecido no artigo 32 da LPACAP, a Secretaría Xeral da Emigración, por razóns xustificadas, poderá ampliar o prazo de presentación de solicitudes mediante resolución que será publicada no *Diario Oficial de Galicia*.

Se é preciso, poderase prolongar uns días o prazo de permanencia deste procedemento na sede electrónica da Xunta de Galicia, exclusivamente para os efectos de que as delegacións e demais entidades indicadas no artigo 7.1, en exercicio da autorización outorgada



polas persoas solicitantes para facelo, poidan introducir os datos das solicitudes recibidas en prazo.

Artigo 9. *Documentación complementaria*

1. As persoas interesadas deberán achegar coa solicitude a seguinte documentación:

1.1. Persoas solicitantes dos artigos 2.1 e 2.2.

a) Se a persoa solicitante é emigrante, o documento oficial en que conste o lugar de nacemento en Galicia, agás no suposto de que a persoa solicitante fose beneficiaria dunha axuda económica convocada pola Secretaría Xeral da Emigración no 2025.

b) Se é fillo/a da persoa emigrante, o certificado de nacemento do rexistro civil correspondente, agás no suposto de que a persoa solicitante fose beneficiaria dunha axuda económica convocada pola Secretaría Xeral da Emigración en 2025.

c) Pasaporte español ou outro documento oficial acreditativo da nacionalidade española.

d) Certificado recente do Rexistro de Matrícula Consular que acredite residencia no estranxeiro cunha antigüidade mínima de tres meses contados desde a finalización do prazo de presentación de solicitudes. Este certificado non será necesario para os residentes nun país iberoamericano co cal o Estado español non teña asinados convenios bilaterais de seguridade social.

e) Se o solicitante é fillo/a de emigrante, un certificado de inscrición no PERE actualizado para o ano da convocatoria, agás no caso de que a persoa estea incapacitada legalmente e tal incapacidade impida a inscrición no dito padrón.

1.2. Persoas solicitantes do artigo 2.3 que optan á axuda deste ano en calidade de cónxuxe viúvo/a, parella de feito ou relación análoga dunha persoa falecida beneficiaria en 2025, ou de membro da unidade familiar da persoa solicitante neste ano falecida antes do 30 de xuño con condicións para selo, require a presentación da seguinte documentación:

a) Documento de identidade da persoa solicitante.



b) Certificado oficial de defunción da persoa beneficiaria en 2025 ou da solicitante deste ano e, no primeiro suposto, copia da documentación acreditativa da súa identidade.

c) Documentos que xustifiquen a relación de parentesco coa persoa falecida.

d) Declaración responsable similar á que figura no anexo I, na cal faga constar non ter solicitado ou percibido outras axudas para os mesmos conceptos, non encontrarse en ningunha das circunstancias que, segundo as normas vixentes en Galicia en materia de subvencións, impiden a obtención de axudas públicas, así como o compromiso de asumir, de ser caso, as obrigas sinaladas no artigo 21 para as persoas que resulten beneficiarias.

e) No caso das persoas do artigo 2.3.b): solicitude asinada.

2. Documentación que acredita requisitos xerais e económicos:

a) Documento de identidade do país de residencia.

b) Documento de identidade do resto dos membros da unidade familiar.

c) Documento acreditativo da representación legal, actualizado, si corresponde.

d) Certificación ou xustificante de ingresos, rendas ou pensións da persoa solicitante e membros da súa unidade familiar, ou declaración responsable de ausencia de ingresos.

e) Documentación acreditativa da convivencia dos membros da unidade familiar.

f) Documentación xustificativa oficial na cal conste o valor patrimonial dos bens inmo-
bles, agás a vivenda habitual, de que dispoñan os membros da unidade económica familiar da persoa solicitante, ou unha declaración responsable, asinada por todos os membros da unidade familiar maiores de idade, conforme ao anexo II.

3. Documentación específica segundo o tipo de axuda.

a) Para acceder ás axudas orientadas a paliar a situación de precariedade no seo da unidade familiar do artigo 4.2: un informe social emitido por persoa profesional colexiada, no cal se detallan os membros da unidade familiar e os seus ingresos (mencionando, de ser o caso, o relativo á PRN), as condicións de vida, unha valoración acerca da suposta situación de precariedade e unha conclusión –favorable ou non– relativa á concesión da axuda solicitada.



b) Para acceder á axuda prevista no artigo 5: un informe médico segundo o modelo normalizado do anexo III, expedido por un facultativo colexiado no país de residencia da persoa solicitante e, no seu caso, certificado oficial de invalidez ou discapacidade.

As persoas solicitantes que residan en países iberoamericanos cos que o Estado español teña firmados convenios bilaterais en materia de seguridade social, presentarán ademais un informe social emitido por profesional colexiado no país de residencia que conteña unha valoración da situación de precariedade da unidade familiar e unha declaración expresa sobre se a persoa discapacitada ou doente dispón de cobertura suficiente, pública ou privada, para afrontar as prestacións terapéuticas ou sanitarias que segundo o facultativo precisa (medicación, tratamentos médicos específicos, psicoterapia, fisioterapia, rehabilitación integral, terapias educativas, asistencia de coidadores para as necesidades básicas ou específicas...).

c) Para os casos de violencia de xénero do artigo 6: unha sentenza, orde xudicial de protección, informe do Ministerio Fiscal ou informe social emitido por un organismo oficial que acredite o padecemento da situación de violencia no ano anterior e/ou no mesmo ano da convocatoria.

4. A documentación complementaria presentarse preferiblemente por vía electrónica.

Opcionalmente, as persoas interesadas poderán presentar a documentación complementaria de xeito presencial en calquera dos lugares e rexistros establecidos na normativa reguladora do procedemento administrativo común.

As persoas interesadas responsabilizaranse da veracidade dos documentos que presenten. Excepcionalmente, cando a relevancia do documento no procedemento o exixa ou existan dúbidas derivadas da calidade da copia, a Administración poderá solicitar de maneira motivada o cotexo das copias achegadas pola persoa interesada, para o cal poderá requirir a exhibición do documento ou da información orixinal.

Sempre que se realice a presentación de documentos separadamente da solicitude, deberanse indicar o código e o órgano responsable do procedemento, o número de rexistro de entrada da solicitude e o número de expediente, se se dispón del.

A falsidade ou ocultación de datos na documentación presentada para obter a axuda comportará a exclusión do proceso de valoración e, polo tanto, a imposibilidade de ser persoa beneficiaria das axudas establecidas nesta resolución.

CVE-DOG: klffe1z2-bj45-ya37-2u52-fbocgq7klw2



Artigo 10. *Comprobación de datos*

1. Para a tramitación deste procedemento consultaránse automaticamente os datos incluídos nos seguintes documentos en poder da Administración actuante ou elaborados polas administracións públicas, agás que a persoa interesada se opoña á súa consulta:

– Padrón de españois residentes no estranxeiro (PERE).

2. No caso de que as persoas interesadas se opoñan á consulta, deberán indicalo no recadro correspondente habilitado no anexo I e achegar os documentos.

Cando así o exixa a normativa aplicable, solicitarase o consentimento expreso da persoa interesada para realizar a consulta.

3. Excepcionalmente, no caso de que algunha circunstancia imposibilitase a obtención dos citados datos, poderáselles solicitar ás persoas interesadas que presenten os documentos correspondentes.

Artigo 11. *Trámites administrativos posteriores á presentación da solicitude*

A sede electrónica da Xunta de Galicia permítelles ás persoas interesadas realizar trámites electrónicos, con posterioridade ao inicio do expediente, accedendo á Carpeta cidadá da persoa interesada. Opcionalmente, as persoas interesadas tamén poderán realizar os ditos trámites de xeito presencial en calquera dos lugares e dos rexistros establecidos na normativa reguladora do procedemento administrativo común.

Artigo 12. *Réxime de concesión*

O réxime de concesión de todos os supostos de axudas económicas previstas nesta resolución tramitarase polo procedemento de concorrencia non competitiva previsto no artigo 19.2 da Lei 9/2007, tendo en conta as especiais características destas axudas sociais así como a dificultade obxectiva de realizar unha comparación ou prelación das solicitudes presentadas.

De acordo co establecido no artigo 19.3 da citada lei, o órgano competente procederá ao rateo entre as persoas que cumpran os requisitos para ser admitidos en función dos supostos de axuda previstos na resolución e das dispoñibilidades orzamentarias, comezando polas axudas do artigo 4 e asegurando que a contía das axudas do artigo 5 superan



as anteriores, e que eses importes non superen os límites máximos que se determinan no artigo seguinte para cada suposto.

Artigo 13. *Financiamento e contías das axudas*

1. Financiamento.

As axudas para a realización deste programa concederanse con cargo á aplicación orzamentaria 14.05.312C.480.0 (accións de políticas migratorias) dos orzamentos xerais da Comunidade Autónoma para o ano 2026.

O crédito inicialmente outorgado para esta finalidade é de tres millóns cincocentos noventa e seis mil seiscientos trinta euros (3.596.630 €), distribuído do seguinte xeito:

– Para os solicitantes procedentes de países iberoamericanos cos cales o Estado español non teña asinados convenios bilaterais en materia de seguridade social, o crédito será dun millón cento corenta e nove mil cento vinte e tres euros (1.149.123 €).

– Para os solicitantes que residan en países cos cales o Estado español si teña asinados convenios bilaterais en materia de seguridade social, o crédito será dous millóns catrocentos corenta e sete mil cincocentos sete euros (2.447.507 €).

De non se esgotar o total dalgún dos créditos anteriores, poderase asignar a contía sobranante a calquera dos outros supostos.

Este importe poderá ser ampliado nos casos establecidos no artigo 31.2 da Lei 9/2007, do 13 de xuño, de subvencións de Galicia, e no artigo 30.2 do Decreto 11/2009, do 8 de xaneiro, polo que se aproba o seu regulamento, en función das maiores dispoñibilidades orzamentarias que se poidan producir na dita aplicación e condicionado á declaración de dispoñibilidade do crédito e, se é o caso, logo da aprobación da modificación orzamentaria que proceda. Neste caso, publicarase a ampliación do crédito nos mesmos medios que a convocatoria, sen que tal publicidade implique a apertura de prazo para presentar novas solicitudes nin o inicio de novo cómputo de prazo para resolver.

Este expediente tramítase ao abeiro do artigo 25.1.a) do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, como expediente anticipado de gasto, posto que existe crédito suficiente previsto no proxecto de orzamentos da Comunidade Autónoma para o exercicio 2026. Na súa vir-



tude, e de conformidade co establecido na Orde da Consellería de Economía e Facenda, do 11 de febreiro de 1998, modificada polas ordes do 27 de novembro de 2000 e do 25 de outubro de 2001, a concesión das subvencións queda condicionada á existencia de crédito adecuado e suficiente na Lei de orzamentos xerais da Comunidade Autónoma de Galicia para o ano 2026.

2. Límites máximos das contías.

Para as persoas que resulten beneficiarias residentes nos países que non teñan asinados convenios en materia de seguridade social co Estado español, as contías máximas da axuda serán as seguintes:

– Para o suposto do artigo 4.1 (axudas por encontrarse a unidade familiar en situación de precariedade): 345 €.

– Para os supostos dos artigos 5 e 6 (situacións de precariedade tamén sanitaria ou socio-sanitaria, e de violencia de xénero): 350 €.

Para as persoas que resulten beneficiarias e residan nos países cos que o Estado español teña asinados convenios en materia de seguridade social serán, os límites máximos serán os seguintes:

– Para o suposto das axudas que se concedan ao abeiro do artigo 4.2 (axudas por encontrarse a unidade familiar en situación de precariedade): 1.150 €.

– Para os supostos dos artigos 5 e 6 (situacións de precariedade tamén sanitaria ou socio-sanitaria, e de violencia de xénero), a contía máxima será de 1.225 €.

3. Minoracións das contías.

Nos seguintes supostos reducirase a contía da axuda correspondente nun 50 %:

a) Cando na mesma unidade económica familiar concorran dúas persoas admitidas, reducirase á metade a contía da axuda correspondente á solicitante de menor idade.

b) Cando as persoas solicitantes polo artigo 4.2 cunha idade comprendida entre 50 e 64 anos o último día de prazo para a presentación de solicitudes, foran beneficiarias desta mesma axuda (artigo 4.2) na convocatoria de 2025.



Artigo 14. *Natureza e compatibilidade das axudas*

1. As axudas teñen carácter persoal e intransferible. As axudas non orixinan ningún dereito subxectivo para as persoas beneficiarias e estarán, en todo caso, condicionadas ás dispoñibilidades orzamentarias do exercicio correspondente previstas para esta finalidade.

No suposto de que, unha vez ditada a resolución de concesión das axudas, a persoa beneficiaria faleza, terán dereito á súa percepción as persoas que acrediten, de acordo coa normativa do país de residencia, a súa condición de herdeiras, antes do 31 de decembro do ano desta convocatoria.

2. Cada persoa solicitante soamente poderá pedir unha axuda por un único suposto. De se presentar máis dunha solicitude, entenderase como válida a presentada en primeiro lugar, segundo o asento de rexistro correspondente.

3. As axudas previstas nesta resolución serán incompatibles con calquera outra concedida por una Administración pública para os mesmos conceptos.

4. Cando a persoa solicitante resida nun centro asistencial ou similar, a contía máxima da axuda non superará a diferenza entre o custo do centro e os ingresos acreditados por ela. En todo caso, non superará o importe previsto nesta resolución.

5. Non se outorgarán mais de dúas axudas por unidade familiar.

Artigo 15. *Competencia e instrución*

1. O órgano instrutor será a persoa titular da subdirección xeral competente en materia de programas sociais.

2. Os expedientes serán avaliados por un órgano colexiado integrado por tres persoas funcionarias da subdirección xeral competente en programas sociais que nomeará a persoa titular da Secretaría Xeral da Emigración, coa colaboración, de ser o caso, das comisións previstas no punto seguinte.

3. A persoa titular da subdirección a quen se lle atribúe a instrución dos expedientes destas axudas poderá instar a constitución doutras dúas comisións para avaliar, en concreto, as solicitudes presentadas por persoas residentes na Arxentina e no Uruguai. Nese suposto, cada unha delas estará integrada por tres persoas, dúas traballadoras da delega-



ción da Xunta de Galicia en Bos Aires e en Montevideo, respectivamente, e a persoa titular da Delegación da Xunta nese país, que a presidirá. Correspóndelle ao persoal técnico das ditas delegacións rexistrar e analizar as solicitudes que reciban, efectuar os requirimentos de documentación que consideren necesarios, avaliar os expedientes para a súa aprobación pola respectiva comisión, e remitir o informe emitido por ela ao servizo competente en materia de programas sociais da Secretaría Xeral da Emigración.

4. Para o caso de que a persoa solicitante cometa un erro ao indicar o suposto de axudas ao cal pretenda optar ou non cumpra os requisitos específicos para o tipo de axuda marcada, as comisións avaliadoras poderán dirixir esa solicitude ao suposto de axuda que corresponda segundo o cumprimento dos requisitos establecidos nesta convocatoria.

5. Se a solicitude non está debidamente cuberta ou non se achega a documentación exixida, a Secretaría Xeral da Emigración requirirá a persoa solicitante para que, nun prazo máximo de dez días hábiles, emende a falta ou achegue os documentos preceptivos, con indicación de que, se así non o fixer, se considerará desistida da súa petición, de conformidade co previsto no artigo 20.5 da Lei 9/2007, do 13 de xuño, de subvencións de Galicia, logo da resolución que se deberá ditar nos termos do artigo 21 da Lei 39/2015, do 1 de outubro, do procedemento administrativo común das administracións públicas.

6. Os expedientes serán avaliados polas comisións creadas para o efecto e posteriormente o órgano instrutor, á vista do informe da Comisión do punto segundo, elevará a proposta de resolución das solicitudes presentadas á persoa titular da Secretaría Xeral da Emigración.

7. A persoa titular da Secretaría Xeral da Emigración, ademais da competencia de resolver as solicitudes presentadas ao abeiro desta convocatoria, ten a facultade de ditar cantas resolucións sexan precisas para cumprir co obxecto do programa de axudas económicas individuais destinadas a residentes no exterior.

Artigo 16. *Tramitación*

O procedemento para a tramitación e concesión das axudas que se convocan nesta resolución axustarase ao previsto na Lei 9/2007, do 13 de xuño, de subvencións de Galicia, no Decreto 11/2009, do 8 de xaneiro, polo que se aproba o Regulamento que a desenvolve, e na LPACAP.

CVE-DOG: klffe1z2-bj45-ya37-2u52-fbocgq7klw2



Artigo 17. Resolución. Modificación da resolución de concesión. Pagamento e reintegro

1. O prazo máximo para resolver será de cinco meses, contados desde o día de remate do prazo para a presentación das solicitudes.

Transcorrido o dito prazo sen que se diten as resolucións expresas, poderanse entender desestimadas as solicitudes, de acordo co establecido no artigo 23.5 da Lei 9/2007, do 13 de xuño, de subvencións de Galicia.

2. As persoas beneficiarias das axudas quedan obrigadas a comunicarlle á Secretaría Xeral da Emigración, no momento en que se produza, calquera alteración dos requisitos exixidos na convocatoria ou de circunstancias sobrevidas que impidan ou dificulten a execución das accións para as cales se solicitou a axuda, e a Secretaría poderá adoptar a resolución de modificación da concesión ou de revogación que corresponda.

3. A contía das axudas concedidas aboaráselles ás persoas beneficiarias nun pagamento único, unha vez notificada a resolución de concesión.

O medio de pagamento preferente será a transferencia bancaria. Para tales efectos, a persoa solicitante cubrirá a epígrafe de datos bancarios do anexo I e achegará un certificado bancario da conta da súa titularidade onde pretende que se lle aboe o importe.

Cando no país se presenten dificultades para facer efectivo o pagamento mediante transferencias bancarias ou as circunstancias así o aconsellen, cabe empregar outros sistemas alternativos, como poden ser as tarxetas prepago ou cheques nominativos.

O pagamento correspondente ás axudas da Arxentina e do Uruguai poderá aboarse directamente a cada unha das persoas beneficiarias ou a unha conta da titularidade da Delegación da Xunta de Galicia en Bos Aires e Montevideo, que será a que se encargue de aboarlle a cada unha das persoas beneficiarias residentes neses países o importe correspondente.

A Administración non se fai responsable da imposibilidade de efectuar o pagamento por causas imputables ás persoas solicitantes.

4. Procederán o reintegro total ou parcial das cantidades percibidas e a exixencia dos xuros de demora debidos desde o momento en que se efectúe o pagamento, nos casos

CVE-DOG: klffe1z2-bj45-ya37-2u52-fbocgq7klw2



senalados no artigo 33 da Lei 9/2007, do 13 de xuño, de subvencións de Galicia. De acordo co artigo 14.1.n) da Lei 9/2007, os criterios de gradación dos posibles incumprimentos para determinar a cantidade que se minorará ou reintegrará serán os seguintes:

– O incumprimento total dos fins para os cales se concede a subvención ou o da realización dos gastos subvencionables dará lugar á perda do dereito ao cobramento ou, se é o caso, ao reintegro da totalidade da axuda concedida.

– Calquera outra inobservancia se considerará incumprimento parcial dos fins para os cales se concedeu a axuda da realización dos gastos subvencionables e dará lugar á perda do dereito ao cobramento ou, se é o caso, ao reintegro na porcentaxe correspondente ao investimento non efectuado.

Artigo 18. *Notificacións*

1. As notificacións de resolucións e actos administrativos efectuaranse preferentemente por medios electrónicos. As persoas interesadas poderán decidir e comunicar en calquera momento que as notificacións sucesivas se efectúen ou deixen de efectuar por medios electrónicos mediante os modelos normalizados dispoñibles.

2. A persoa interesada deberá manifestar expresamente a modalidade escollida para a notificación (electrónica ou en papel) no formulario.

3. No caso de optar pola notificación en papel, efectuarase a notificación segundo o establecido na normativa reguladora do procedemento administrativo común.

4. De conformidade co artigo 45.2 da Lei 4/2019, do 17 de xullo, de administración dixital de Galicia, as notificacións electrónicas efectuaranse mediante a comparecencia na sede electrónica da Xunta de Galicia e a través do Sistema de notificación electrónica de Galicia-Notifica.gal. Este sistema remitiralles ás persoas interesadas avisos da posta á disposición das notificacións á conta de correo e/ou teléfono móbil que consten na solicitude. Estes avisos non terán, en ningún caso, efectos de notificación efectuada e a súa falta non impedirá que a notificación sexa considerada plenamente válida.

5. As notificacións por medios electrónicos entenderanse efectuadas no momento no que se produza o acceso ao seu contido e entenderanse rexeitadas cando transcorresen dez días naturais desde a posta á disposición da notificación sen que se acceda ao seu contido.

CVE-DOG: klffe1z2-bj45-ya37-2u52-fbocgq7klw2



6. Se o envío da notificación electrónica non for posible por problemas técnicos, efectuarase a notificación polos medios previstos na normativa reguladora do procedemento administrativo común.

Artigo 19. *Obrigas das persoas beneficiarias*

1. Con carácter xeral, as persoas beneficiarias están obrigadas a cumprir os requisitos do artigo 2 da convocatoria ata o aboamento da axuda, así como a someterse ás actuacións de comprobación que considere precisas a Secretaría Xeral da Emigración para asegurar o cumprimento do contido e as condicións do programa, e aos requisitos legais e regulamentarios que preveña a normativa xeral da Xunta de Galicia.

2. Así mesmo, estarán na obriga de prestar colaboración e facilitar canta documentación lles sexa requirida no exercicio das funcións de control que lles corresponden á Intervención Xeral da Comunidade Autónoma, así como ao Consello de Contas e ao Tribunal de Contas, no exercicio das súas funcións de fiscalización e control do destino destas axudas.

Artigo 20. *Información ás persoas interesadas*

1. De acordo co establecido no artigo 14, letra ñ), da Lei 9/2007, do 13 de xuño, de subvencións de Galicia, as persoas beneficiarias quedan informadas da existencia do Rexistro Público de Subvencións e, xunto cos datos consignados no modelo normalizado de solicitude, dos aspectos básicos dos previstos no Regulamento (UE) nº 2016/679 do Parlamento Europeo e do Consello, do 27 de abril de 2016, relativo á protección das persoas físicas no que respecta ao tratamento dos seus datos persoais e á libre circulación destes datos (RXPd), e na Lei orgánica 3/2018, do 5 de decembro, de protección de datos persoais e garantía dos dereitos dixitais.

2. Por outra banda, de conformidade co previsto nos artigos 17.3.b) e 20.8.a) da Lei 38/2003, do 17 de novembro, xeral de subvencións, transmitíranse á Base de datos nacional de subvencións a información que requira, o texto da convocatoria para a súa publicación na citada base e o seu extracto no *Diario Oficial de Galicia*.

Artigo 21. *Transparencia e bo goberno*

1. Dada a natureza das axudas recollidas nesta resolución, e de conformidade co artigo 17.3 da Lei 1/2016, do 18 de xaneiro, de transparencia e bo goberno, e co arti-



go 15.2.d) da Lei 9/2007, do 13 de xuño, de subvencións de Galicia, exceptúase a Secretaría Xeral da Emigración da publicación das subvencións concedidas ao abeiro desta resolución.

2. En virtude do disposto no artigo 4 da Lei 1/2016, do 18 de xaneiro, de transparencia e bo goberno, as persoas físicas e xurídicas beneficiarias de subvencións están obrigadas a subministrar á Administración, ao organismo ou á entidade das previstas no artigo 3.1 da Lei 1/2016, do 18 de xaneiro, á que se atopen vinculadas, previo requirimento, toda a información necesaria para o cumprimento por aquela das obrigas previstas no título I da citada lei.

Artigo 22. *Réxime de recursos*

1. Contra esta resolución cabe interpoñer de forma potestativa recurso de reposición, ante o mesmo órgano que a ditou, no prazo dun mes contado a partir do día seguinte ao da súa publicación no *Diario Oficial de Galicia*.

Así mesmo, poderase interpoñer recurso contencioso-administrativo, ante o Tribunal Superior de Xustiza de Galicia, no prazo de dous meses contados a partir do día seguinte ao da súa publicación, de acordo co establecido na Lei 29/1998, do 13 de xullo, reguladora da xurisdición contencioso-administrativa.

2. As resolucións que se diten neste procedemento esgotan a vía administrativa e contra elas cabe interpoñer de forma potestativa recurso de reposición, ante o mesmo órgano que as ditou, no prazo dun mes contado a partir do día seguinte ao da notificación da resolución, se for expresa. Se a resolución non for expresa, o recurso poderase interpoñer en calquera momento a partir do día seguinte a aquel en que se produza o acto presunto, de acordo co establecido na LPACAP.

Así mesmo, poderase interpoñer recurso contencioso-administrativo, ante o Tribunal Superior de Xustiza de Galicia, no prazo de dous meses contados a partir do día seguinte ao da notificación da resolución, se fora expresa, ou no prazo de seis meses contados a partir do día seguinte a aquel en que se entenda producido o acto presunto, de acordo co establecido na Lei 29/1998, do 13 de xullo, reguladora da xurisdición contencioso-administrativa.



Disposición derradeira única. *Entrada en vigor*

Esta resolución entrará en vigor o día seguinte ao da súa publicación no *Diario Oficial de Galicia*.

Santiago de Compostela, 16 de xaneiro de 2026

Antonio Rodríguez Miranda
Secretario xeral da Emigración

CVE-DOG: klfe1z2-bj45-ya37-2u52-fbocq7klw2



XUNTA
DE GALICIACONSELLERÍA DE
EMPREGO, COMERCIO
E EMIGRACIÓN

ANEXO I

PROCEDEMENTO AXUDAS ECONÓMICAS INDIVIDUAIS	CÓDIGO DE PROCEDEMENTO PR925A	DOCUMENTO SOLICITUDE
---	---	-------------------------

DATOS DA PERSOA SOLICITANTE

IDENTIFICACIÓN

TIPO	NÚM.	PAÍS EMISOR	
NOME	PRIMEIRO APELIDO	SEGUNDO APELIDO	
DATA DE NACEMENTO	PROVINCIA/ ESTADO DE NACEMENTO	CONCELLO DE NACEMENTO	PAÍS DE NACEMENTO
ESTADO CIVIL	NACIONALIDADE		
IDADE	SEXO		
	☐ MULLER ☐ HOME		
NUM. DE IDENTIFICACIÓN DO PAÍS DE RESIDENCIA			

ENDEREZO

PAÍS					
TIPO	NOME DA VÍA	NÚM.	BLOQ.	ANDAR	PORTA
CÓDIGO POSTAL	PROVINCIA	CONCELLO	LOCALIDADE		
PARROQUIA	LUGAR				
CONTACTO					
PREFIXO	TELÉFONO MÓBIL	PREFIXO	OUTRO TELÉFONO		

CORREO ELECTRÓNICO

E, NA SÚA REPRESENTACIÓN (deberá acreditarse a representación fidedigna por calquera medio válido en dereito)

IDENTIFICACIÓN

TIPO	NÚM.	PAÍS EMISOR
NOME/RAZÓN SOCIAL	PRIMEIRO APELIDO	SEGUNDO APELIDO

XUNTA
DE GALICIA

ISSN1130-9229

Depósito legal C.494-1998

<https://www.xunta.gal/diario-oficial-galicia>

XUNTA
DE GALICIACONSELLERÍA DE
EMPREGO, COMERCIO
E EMIGRACIÓNANEXO I
(continuación)

DATOS PARA OS EFECTOS DE NOTIFICACIÓN

Enviaranse avisos da posta á disposición da notificación no correo electrónico e/ou teléfono móbil facilitados a seguir e que poderán cambiar en calquera momento a través de [Notifica.gal](https://notifica.gal):

PREFIXO

TELÉFONO MÓBIL

CORREO ELECTRÓNICO

ELECCIÓN DO MEDIO DE NOTIFICACIÓN PREFERENTE

As persoas obrigadas a relacionarse a través de medios electrónicos coa Administración deberán optar, en todo caso, pola notificación por medios electrónicos, sen que sexa válida para elas nin produza efectos unha opción diferente.

- ☐ **Electrónica** a través do Sistema de notificación electrónica de Galicia-[Notifica.gal](https://notifica.xunta.gal) (<https://notifica.xunta.gal>).
Só se poderá acceder á notificación co certificado electrónico ou Chave365.
- ☐ **Postal** (cubrir o enderezo postal só se é distinto do indicado anteriormente).

PAÍS

TIPO

NOME DA VÍA

NÚM.

BLOQ.

ANDAR

PORTA

CÓDIGO POSTAL

PROVINCIA

CONCELLO

LOCALIDADE

PARROQUIA

LUGAR

DATOS BANCARIOS

☒ Formato IBAN☐ Formato BIC

Declaro, baixo a miña responsabilidade, que son certos os datos consignados relativos á conta bancaria indicada.

TITULAR DA CONTA

NÚMERO DE CONTA BANCARIA (24 DÍXITOS)

IBAN

NÚMERO DE TARXETA PREPAGAMENTO

TIPO DE SOLICITANTE

- ☐ Emigrante galego/a (artigo 2.1)
- ☐ Fillo/a de emigrante galego/a (artigo 2.2)
- ☐ Cóñuxue viúvo/a ou parella de feito ou relación análoga de afectividade dunha persoa falecida beneficiaria deste programa en ano 2025 (artigo 2.3.a)

- Nome e apelidos da persoa falecida:

- Data do falecemento:

DATOS COMPLEMENTARIOS

Indique se na convocatoria de 2024 foi beneficiario dunha axuda económica individual da Secretaría Xeral da Emigración

☐ SI☐ NON

Indique se na convocatoria de 2025 foi beneficiario dunha axuda económica individual da Secretaría Xeral da Emigración

☐ SI☐ NON

Indique se recibe a prestación por razón de necesidade do Estado español (PRN)

☐ SI☐ NON

Indique se na unidade económica familiar existe máis dunha persoa solicitante deste programa. No caso afirmativo, indicar o nome da persoa:

☐ SI☐ NON

TIPO DE AXUDA QUE SOLICITA:

- ☐ Axudas para paliar situacións de precariedade socioeconómica na unidade familiar (artigo 4)
- ☐ Axudas para paliar situacións de precariedade sociosanitaria na unidade familiar (artigo 5)
- ☐ Para o caso de que o/a doente ou dependente sexa outra persoa da unidade familiar distinta da solicitante:

- Nome e apelidos da persoa dependente ou doente:

- Parentesco coa persoa solicitante:

cobertura médica que posúe:

- ☐ Axudas para as mulleres de sufran violencia de xénero (artigo 6)

XUNTA
DE GALICIA

ISSN1130-9229

Depósito legal C.494-1998

<https://www.xunta.gal/diario-oficial-galicia>

XUNTA
DE GALICIACONSELLERÍA DE
EMPREGO, COMERCIO
E EMIGRACIÓNANEXO I
(continuación)

DATOS DA UNIDADE ECONÓMICA FAMILIAR. PERSOAS QUE CONVIVEN COA PERSOA SOLICITANTE

	NOME	PARENTESCO	IDADE	INGRESOS MENSUAIS * (moeda do país)	ORIXE (pensión do país de residencia, pensión española, rendas, salario, autónomos..., outros ingresos)
1					
2					
3					
4					
INGRESOS MENSUAIS DA PERSOA SOLICITANTE:					
NÚMERO DE MEMBROS DA UNIDADE ECONÓMICA FAMILIAR:					
TOTAL INGRESOS MENSUAIS DA UNIDADE ECONÓMICA FAMILIAR:					

* Deben indicarse en proporción mensual os ingresos de carácter extraordinario ou de periodicidade non mensual.

AUTORIZACIÓN

A persoa solicitante autoriza a persoa habilitada para o efecto da entidade colaboradora sinalada a seguir, para presentar esta solicitude a través da sede electrónica da Xunta de Galicia.

ENTIDADE QUE COLABORA NA XESTIÓN:

A PERSOA SOLICITANTE OU REPRESENTANTE DECLARA:

1. Que, en relación con outras axudas concedidas ou solicitadas:

- ☐ Non solicitou nin se lle concedeu ningunha outra axuda para este mesmo proxecto ou conceptos para os cales se solicita esta subvención.
- ☐ Si solicitou e/ou se lle concederon outras axudas para este mesmo proxecto ou conceptos para os cales se solicita esta subvención, que son as que deseguido se relacionan:

ORGANISMO	IMPORTE

2. Que todos os datos contidos nesta solicitude e nos documentos que se achegan son certos.

3. Non estar incurso en ningunha das circunstancias previstas no artigo 13 da Lei 38/2003, do 17 de novembro, xeral de subvencións.

4. Non estar incurso en ningunha clase de inhabilitación para a obtención de axudas previstas nos números 2 e 3 do artigo 10 da Lei 9/2007, do 13 de xuño, de subvencións de Galicia.

5. Estar ao día no pagamento de obrigas por reintegro de subvencións, conforme o artigo 10.2.g) da Lei 9/2007, do 13 de xuño, de subvencións de Galicia, e o artigo 9 do Regulamento de subvencións de Galicia, aprobado polo Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.

6. Que está ao día no pagamento das obrigas tributarias e fronte á Seguridade Social e non ten pendente ningunha débeda coa Administración pública da Comunidade Autónoma.

7. Que a entidade solicitante se compromete a manter o cumprimento destes requisitos durante o período de tempo en que perciba esta subvención e a comunicar inmediatamente calquera cambio ou modificación e cantas axudas solicite e/ou obteña doutras administracións públicas ou doutros entes públicos ou privados, nacionais ou internacionais, a partir da data desta declaración.

XUNTA
DE GALICIA

ISSN1130-9229

Depósito legal C.494-1998

<https://www.xunta.gal/diario-oficial-galicia>

XUNTA
DE GALICIACONSELLERÍA DE
EMPREGO, COMERCIO
E EMIGRACIÓNANEXO I
(continuación)

DOCUMENTACIÓN QUE SE PRESENTA

Persoas solicitantes dos artigos 2.1 e 2.2:

- ☐ Se a persoa solicitante é emigrante, o documento oficial en que conste o lugar de nacemento en Galicia, agás no suposto de que a persoa solicitante fose beneficiaria dunha axuda económica convocada pola Secretaría Xeral da Emigración no 2025.
- ☐ Se é fillo/a da persoa emigrante, o certificado de nacemento do rexistro civil correspondente, agás no suposto de que a persoa solicitante fose beneficiaria dunha axuda económica convocada pola Secretaría Xeral da Emigración en 2025
- ☐ Pasaporte español ou outro documento oficial acreditativo da nacionalidade española
- ☐ Certificado recente do Rexistro de Matricula Consular que acredite a residencia no estranxeiro cunha antigüidade mínima de tres meses contados desde a finalización do prazo de presentación de solicitudes. Este certificado non será necesario para os residentes nun país iberoamericano co cal o Estado español non teña asinados convenios bilaterais de seguridade social
- ☐ Se o solicitante é fillo/a de emigrante, un certificado de inscrición no PERE actualizado para o ano da convocatoria, agás no caso de que a persoa estea incapacitada legalmente e tal incapacidade impida a inscrición no dito padrón.

Persoas solicitantes do artigo 2.3 que optan á axuda deste ano en calidade de cónxuxe viúvo/a, parella de feito ou relación análoga dunha persoa falecida beneficiaria en 2025, ou de membro da unidade familiar da persoa solicitante neste ano falecida antes do 30 de xuño con condicións para selo:

- ☐ Documento de identidade da persoa solicitante.
- ☐ Certificado oficial de defunción da persoa beneficiaria no 2025 ou da solicitante deste ano, e no primeiro suposto, copia da documentación acreditativa da súa identidade.
- ☐ Documentos que acrediten a relación de parentesco coa persoa falecida.
- ☐ Declaración responsable similar a que figura no anexo I en que faga constar non ter solicitado ou percibido outras axudas para os mesmos conceptos, non atoparse en ningunha das circunstancias que, segundo as normas vixentes en Galicia en materia de subvencións, impiden a obtención de axudas públicas, así como o compromiso de asumir, de ser o caso, as obrigas sinaladas no artigo 21 para as persoas que resulten beneficiarias.
- ☐ No caso das persoas do artigo 2.3 b): solicitude asinada

Documentación acreditativa dos requisitos xerais e económicos

- ☐ Documento de identidade do país de residencia.
- ☐ Documento de identidade do resto dos membros da unidade familiar
- ☐ Documento acreditativo da representación legal, actualizado, se corresponde
- ☐ Certificación ou xustificante de ingresos, rendas ou pensións da persoa solicitante e membros da súa unidade familiar, ou declaración responsable de ausencia de ingresos
- ☐ Documentación acreditativa da convivencia dos membros da unidade familiar
- ☐ Documentación xustificativa oficial na cal conste o valor patrimonial dos bens inmoables, agás a vivenda habitual, de que dispoñan os membros da unidade económica familiar da persoa solicitante, ou unha declaración responsable, asinada por todos os membros da unidade familiar maiores de idade, conforme o anexo II

Documentación específica que se presenta segundo o suposto de axuda solicitado

- ☐ Para acceder ás axudas orientadas a paliar a situación de precariedade no seo da unidade familiar do artigo 4.2: un informe social emitido por persoa profesional colexiada, no cal se detallan os membros da unidade familiar e os seus ingresos (mencionando, de ser o caso, o relativo á PRN), as condicións de vida, unha valoración acerca da suposta situación de precariedade e unha conclusión –favorable ou non– relativa á concesión da axuda solicitada
- ☐ Para acceder á axuda prevista no artigo 5: un informe médico segundo o modelo normalizado do anexo III, expedido por un facultativo colexiado no país de residencia da persoa solicitante e, de ser o caso, certificado oficial de invalidez ou discapacidade. As persoas solicitantes que residan en países iberoamericanos cos que o Estado español teña firmados convenios bilaterais en materia de seguridade social, presentarán ademais un informe social emitido por profesional colexiado no país de residencia que conteña unha valoración da situación de precariedade da unidade familiar e unha declaración expresa sobre se a persoa discapacitada ou doente dispón de cobertura suficiente, pública ou privada, para afrontar as prestacións terapéuticas ou sanitarias que segundo o facultativo precisa (medicación, tratamentos médicos específicos, psicoterapia, fisioterapia, rehabilitación integral, terapias educativas, asistencia de coidadores para as necesidades básicas ou específicas...)
- ☐ Para os casos de violencia de xénero do artigo 6: unha sentenza, orde xudicial de protección, informe do Ministerio Fiscal ou informe social emitido por un organismo oficial que acredite o padecemento da situación de violencia no ano anterior e/ou no mesmo ano da convocatoria

XUNTA
DE GALICIA

ISSN1130-9229

Depósito legal C.494-1998

<https://www.xunta.gal/diario-oficial-galicia>

COMPROBACIÓN DE DATOS

Os documentos relacionados serán obxecto de consulta ás administracións públicas. No caso de que as persoas interesadas se opoñan a esta consulta, deberán indicalo no recadro correspondente e achegar unha copia dos documentos.

OPÓÑOME Á CONSULTA

Padrón de españois residentes no estranxeiro (PERE)



INFORMACIÓN BÁSICA SOBRE A PROTECCIÓN DE DATOS PERSOAIS

Responsable do tratamento	Xunta de Galicia. Consellería de Emprego, Comercio e Emigración. Secretaría Xeral da Emigración.
Finalidades do tratamento	Tramitar este procedemento, verificar os datos e documentos que a persoa interesada achegue na súa solicitude para comprobar a súa exactitude, levar a cabo as actuacións administrativas que deriven e informar sobre o estado de tramitación. Así mesmo, os datos persoais inclúiranse na Carpeta cidadá de cada persoa interesada para facilitar o acceso á información, tanto persoal como de carácter administrativo.
Lexitimación para o tratamento	O cumprimento dunha misión realizada en interese público ou no exercicio de poderes públicos derivada dunha competencia legalmente atribuída ao responsable do tratamento, así como o cumprimento de obrigas legais impostas ao dito responsable (artigos 6.1, letras c) e e) do RXPD e 8 da Lei orgánica 3/2018, do 5 de decembro, de protección de datos persoais e garantía dos dereitos dixitais). En concreto, a competencia e obrigas previstas nos preceptos básicos da Lei 38/2003, do 17 de novembro, xeral de subvencións; da Lei 19/2013, do 9 de decembro, de transparencia, acceso á información pública e bo goberno; así como na Lei 9/2007, do 13 de xuño, de subvencións de Galicia; na Lei 39/2015, do 1 de outubro, do procedemento administrativo común das administracións públicas; na Lei 1/2016, do 18 de xaneiro, de transparencia e bo goberno, e na Lei 4/2019, do 17 de xullo, de administración dixital de Galicia.
Destinatarios dos datos	As administracións públicas no exercicio das súas competencias, cando sexa necesario para a tramitación e resolución dos seus procedementos ou para que as persoas interesadas poidan acceder de forma integral á información relativa a unha materia.
Exercicio de dereitos	As persoas interesadas poderán solicitar o acceso, rectificación, oposición, limitación, portabilidade e supresión dos seus datos ou retirar, de ser o caso, o consentimento outorgado a través da sede electrónica da Xunta de Galicia ou nos lugares e rexistros establecidos na normativa reguladora do procedemento administrativo común, segundo se recolle en (https://www.xunta.gal/exercicio-de-dereitos).
Contacto coa persoa delegada de protección de datos e máis información	(https://www.xunta.gal/informacion-xeral-proteccion-datos)

Dou o meu consentimento para que me remitan información doutros programas ou futuras accións promovidas pola Secretaría Xeral da Emigración.

☐ Si ☐ Non

LEXISLACIÓN APLICABLE

- Resolución do 16 de xaneiro de 2026, da Secretaría Xeral da Emigración, pola que se regulan e se convocan as subvencións do programa de axudas económicas individuais para persoas residentes no exterior para o ano 2026 (código de procedemento PR925A).

SIGNATURA DA PERSOA SOLICITANTE OU REPRESENTANTE

Lugar e data

 , de de

Secretaría Xeral da Emigración



XUNTA
DE GALICIACONSELLERÍA DE
EMPREGO, COMERCIO
E EMIGRACIÓN

ANEXO II

DECLARACIÓN RESPONSABLE
PR925A - AXUDAS ECONÓMICAS INDIVIDUAIS

DATOS DA PERSOA SOLICITANTE

IDENTIFICACIÓN

TIPO	NÚM.	PAÍS EMISOR
NOME	PRIMEIRO APELIDO	SEGUNDO APELIDO

E, NA SÚA REPRESENTACIÓN

IDENTIFICACIÓN

TIPO	NÚM.	PAÍS EMISOR
NOME/RAZÓN SOCIAL	PRIMEIRO APELIDO	SEGUNDO APELIDO

DECLARA, BAIXO A SÚA RESPONSABILIDADE

Para os efectos do previsto no artigo 3.1.d) e 9.2.f) da resolución da Secretaría Xeral da Emigración pola que se regulan e se convocan estas axudas,

- Que a miña unidade económica familiar está constituída por persoas, e
- Que nin eu nin os compoñentes desa unidade familiar posuímos bens inmobles cun valor patrimonial que supere 2,5 veces as contías previstas no artigo 3.1.d) da mencionada resolución de convocatoria, agás a vivenda habitual.

SIGNATURA DA PERSOA SOLICITANTE OU REPRESENTANTE e do resto de integrantes da unidade familiar maiores de idade

- 1.
- 2.
- 3.
- 4.

Lugar e data

	,		de		de	
----------------------	---	----------------------	----	----------------------	----	----------------------

Secretaría Xeral da Emigración

CVE-DOG: klffe1z2-bj45-ya37-2u52-fbocqql7klw2

XUNTA
DE GALICIA

ISSN1130-9229

Depósito legal C.494-1998

<https://www.xunta.gal/diario-oficial-galicia>


**XUNTA
DE GALICIA**
**CONSELLERÍA DE
EMPREGO, COMERCIO
E EMIGRACIÓN**
ANEXO III

**AXUDAS PARA PALIAR SITUACIÓNS DE PRECARIIDADE SOCIOSSANITARIA NA UNIDADE FAMILIAR (ARTIGO 5)
INFORME MÉDICO
PR925A-AXUDAS ECONÓMICAS INDIVIDUAIS**

NOME E APELIDOS DO/DA FACULTATIVO/A MÉDICO/A

Sr./Sra.

INFORMA

Que, unha vez efectuado o correspondente recoñecemento médico á persoa doente que se indica (nome e apelidos en maiúscula):

Sr./Sra.

ATÓPASE NA SEGUINTE SITUACIÓN:
DISCAPACIDADE OU INVALIDEZ
ENFERMIDADE MOI GRAVE OU GRAVE E CRÓNICA

Breve descrición:

Breve descrición:

Para as actividades básicas da vida diaria, a doente:
☐ DEPENDE DOUTRA PERSOA ☐ VÁLESE POR SI MESMA

A enfermidade padecida pode cualificarse como:
☐ MOI GRAVE ☐ GRAVE E/OU CRÓNICA

INDIQUE BREVEMENTE O TIPO DE PRESTACIÓNS SANITARIAS OU TERAPÉUTICAS QUE PRECISA:

E, NO CASO DE QUE LLE CONSTE, SE A PERSOA TEN UN SEGURO CON COBERTURA ABONDA PARA ACCEDER

☐ SI ☐ NON

Lugar e data

 , de de
SINATURA, N.º DE COLEXIADO/A E SELO DO/DA FACULTATIVO/A

Secretaría Xeral da Emigración

CVE-DOG: klfe1z2-bj45-ya37-2u52-fbocgq7klw2


**XUNTA
DE GALICIA**

ISSN1130-9229

Depósito legal C.494-1998

<https://www.xunta.gal/diario-oficial-galicia>